



OFICINA PARLAMENTAR
Parlamento de Galiza
Rúa do Hórreo, 63. Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa da deputada **Mercedes Queixas Zas** e dos deputados **Iago Tabarés Pérez-Piñeiro** e **Luis Bará Torres**, ao abeiro do disposto no Regulamento da Cámara, presenta a seguinte **Proposición non de lei para debate en Pleno**.

EXPOSICIÓN DE MOTIVOS

O pasado venres día de 18 de novembro tivo lugar en Sada un pleno municipal no que se produciu unha moción de censura ao Alcalde e ao seu goberno, asinada por 5 persoas do grupo municipal do Partido Popular, dúas representantes do PSdeG-PSOE e outras dúas do grupo Alternativa dos Veciños (AAVV), resultando elixida alcaldesa unha das persoas procedentes de AAVV.

A moción foi asinada pola totalidade dos membros desas tres forzas políticas e as tres desautorizaron esta operación. AAVV comunicou por escrito ao concello a expulsión dos seus edís e declarounos tráfugas. O PSdeG-PSOE anunciou a expulsión dos seus representantes municipais un día antes da celebración do pleno e o Partido Popular anunciou tamén a través dos medios de comunicación a apertura de expediente disciplinario a todos eles.

É evidente, pois, que no pleno celebrado en Sada o día 18 de novembro de 2022 consumouse un claro acto de transfuguismo político, xa que transfuguismo é cando, a pesar do pleno e previo coñecemento, as concelleiras e concelleiros se apartan das directrices e criterios fixados polas respectivas organizacións políticas co obxectivo de censurar alcaldías e gobernos alterando as maiorías de goberno resultado das eleccións





OFICINA PARLAMENTAR
Parlamento de Galiza
Rúa do Hórreo, 63. Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

municipais e, por tanto, violentando e falseando a vontade cidadá expresada co seu voto.

O acordo antitransfuguismo do ano 2006, asinado entre outros polo PP, PSOE e BNG, define como tráfugas “*aos representantes locais que, traizoando aos seus compañeiros de lista e/o de grupo, - mantendo estes últimos a súa lealdade coa formación política que os presentou nas correspondentes eleccións locais-, ou apartándose individualmente ou en grupo do criterio fixado polos órganos competentes das formacións políticas que os presentaron, ou sendo expulsados destas, pactan con outras forzas para cambiar ou manter a maioría gobernante nunha entidade local, ou ben dificultan ou fan imposible á devandita maioría o goberno da entidade*”.

É evidente que corresponde ás formacións políticas que os presentaron ás eleccións aclarar se se apartaron ou non da disciplina do seu partido. As declaración públicas de PP, PSdeG-PSOE e AAVV así o demostran e polo tanto deben comunicalo canto antes ao Concello para que lles sexan de aplicación a todas estas persoas as medidas que impiden que se beneficien desta conduta.

O compromiso político contra o transfuguismo obriga ás forzas políticas a actuar sen demora exercitando as accións disciplinarias consonte os seus respectivos estatutos.

É evidente que a moción de censura do pasado venres 18 de novembro foi un claro acto de transfuguismo e polo tanto as concelleiras e concelleiros asinantes son tráfugas, porque con independencia dos procedementos e garantías estatutarias, todas estas persoas tiveron coñecemento previo dos escritos ou comunicados públicos das súas respectivas formación políticas, no caso de AAVV trasladados oficialmente ao concello de Sada mediante escritos á alcaldía e secretaría comunicando a súa expulsión e declarándoos tráfugas.





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

E por todo o exposto, o Grupo Parlamentar do BNG presenta a seguinte proposición non de lei para debate en Pleno::

“O Parlamento insta a Xunta de Galiza á:

1. Expresar o seu rexeitamento á moción de censura do pasado 18 de novembro de 2022 no Concello de Sada, ao constituír un claro acto antidemocrático de transfuguismo.
2. Dar traslado deste acordo ao Concello de Sada.”

Santiago de Compostela, 29 de novembro de 2022

Asdo.: **Mercedes Queixas Zas**

Iago Tabarés Pérez-Piñeiro

Deputado e deputada do G.P. do BNG

Luis Bará Torres

Viceportavoz do G.P. do BNG

Asinado dixitalmente por:

Mercedes Queixas Zas na data 29/11/2022 11:44:37

Iago Tabarés Pérez-Piñeiro na data 29/11/2022 11:44:52





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

Xosé Luis Bará Torres na data 29/11/2022 11:45:01

